

00330

麗水縣志卷之二

卷之二 麗水縣知縣黃平彭潤章重修

列女

范蔚宗傳列女云搜次才行尤高秀者不必專任  
一操竊謂女德亦衡其操持耳其他才智姑未遑  
問也綴緝舊聞益以新獲哀而書之孤芳勁節不  
誠為閨壺之光哉

宋

孫氏高溪葉日興妻年十八日興卒矢志撫孤晚歲  
子欲請旌孫曰婦人守志常經耳而請旌是因夫

死以收名也汝能修德以光吾門幸矣遂寢年八十二而卒

陳氏姜綬妻綬死靖康之難陳年二十三家貧父母欲奪其志陳斷髮自誓人以爲忠臣節婦萃於一

門

郭氏東陽人給事中王信妻既嫁以母疾歸侍母私之曰我有白金百斤藏東樓下用遺汝矣母卒郭

語其二妹恣取之舅沒營葬地既成約有媼橫索

財信笑拔金釵與之信嫁其女弟郭推奩具

信佐郭斬色信教授永嘉以民請往賑饑疫家衆

謂  
危在幾妻慨送之曰君命不可辱幸勉力無爲憶

家也信嘗語郭曰若辭金一節士大夫所難若先

我死書此銘若墓矣疾亟遺命薄殮速葬慶元二

年卒

葉氏梁錯妻錯登第未仕而卒葉年二十七營葬畢

爲穴冢旁以自誓教子有方推餘貲以周貧乏

湯潤字妙光葉珂妻葉氏世顯珂貢奇恥席祖父勢

欲以才自達單騎走京師謁貴人有陳司徒者薦

之矣旋病卒潤年纔十八屏遠脂澤青燈寒幌數

十年如一日部使者索某行縣廉知貞狀趣州縣具文書吏以年未五十援例辭索曰有婦玉潔如此乃欲拘例耶卽爲覆按以次上中書旌其閭復之終身初珂北上子士徽未晬士綸猶在娘六閱月始生後士綸由金華教諭補吏七閩漕府移浙中有廉名

季氏張本妻少寡勤儉守節年七十餘有司申達旌其家

陳氏王角妻夫早喪熒居無玷年八十餘有司申明其

陶氏陳源妻年二十六夫亡家貧孝養舅姑教子成妻

姜氏陳某妻姜繹女夫亡食貧養子子長事母至孝嘉泰中郡聞於朝詔旌其門賜粟帛

梅氏葉光妻少寡元祐中郡守胡宗質增創州學梅助錢二千緡又賣珠冠得五百緡建義學於鄉延名士葉端仁爲師授經

元

徐淑宋鄉貢進士林江妻事姑周氏以孝聞元至元中棄家避兵江方縑其子定老走中飛矢而沒淑

奉姑挾勝間行蹤跡之遇遊騎幾不免會有神助  
得脫偶過澤畔媵愕曰兒在耶視之則定老也腹  
以去兵退而還家已燬與姑僦敗屋以居或以其  
年少勸之行淑指定老泣曰林氏無此子鬼且不  
血食吾行安之人義之不敢復言定老後登進士  
官新州守淑封龍泉縣君定老之幼也貧甚且多  
病架閣潘弼方貴盛獨奇之欲妻以女長女辭次  
女妙真曰惟父命耳遂以妻之荆釵練裳如窶人  
嘗別見

尹氏前震恐妻夫亡時年二十七有男女四人皆幼

家貧甚嗷憐其志勸之再適尹泣曰一身更二夫  
甯奪是妻慟幾絕自是奉姑愈謹撫子女各成立  
郡守立坊以表之葉現尹氏旌節坊銘易繇從一  
詩誓靡他焚焚未亡傷如之何  
兒齒未亂姑鬢已皤含辛茹荼行道涕沱百年冰  
霜一節金石貞標上聞有責其室爲善必報惠迪  
斯吉義義高  
關過者其式

周氏善才字洪氏未嫁元末隨母避兵甘泉寨寨破  
被掠兵欲汙之堅拒受刃死時年十八

鄭氏朱益之妻年二十六而寡姑老病偃臥累年視  
湯藥惟謹至元二年郡表於朝旌其門

陳妙珍父爲神祠祝史蚤死母他適依大母林氏以

居林嬰未疾妙珍剖股雜淖糜以進疾遂瘳或以告林林悲泣疾復作妙珍計無所出然香臂上稽顙顙天乞以身代不應夜夢神人來告曰剔肝食之則愈矣并指右脇示之覺而視脇有紅痕如縷割之了無所見妙珍懼復禱於神身俯而肝出亟雜竹萌烹以進疾頓失妙珍懲前事不敢泄然創甚幾殆復夢神語練紙作灰傳之而愈時年十四耳後三年林壽終妙珍棄家爲尼踐禱神時誓言也後高明爲郡錄事以聞詔旌其居曰孝節庵入給其養之終身金華宋濂爲作陳孝女碑

葉氏陳寔妻元末避兵於風山聞城破自度不免起更衣楚妻尙爲曰死耳毋驚曰如舅姑子女何葉曰豈不欲生恐取辱耳遂觸厓死

王氏南雄守葉現妻至正二十年避兵白巖兵抄掠日甚自度不免遂自經現女兒瑗嫁青田潘雍適歸甯與王偕行事亟投巖下死其媵新葵亦從死

案葉瑗嫁青田不應入麗乘以其死節時地與王氏同故牽連書之

邱孟貞處州教授吳世昌妻幼恬靜儉素非令節不御紈綺旣歸吳夫有女兒嫁期迫而服器未備孟貞挈所有助之子就學與羣從同處家塾孟貞羞

服如一見者莫辨其親疎至正丙申歲大歉省食以賑族嫗人尤以為難焉

明

王妙真周世英妻父辟為縣吏偶有戚容妙真叩之  
父曰吾所掌獄案欲生一死者不得耳妙真曰何  
不棄之釋書史為樂耶父大悟即日揖上官去瀕  
嫁父置環珥擊輓之屬甚備妙真出示二女弟恣  
所取既嫁舅姑娣姒交口賢之宋濂為周賢母傳  
尤美其成父志并稱其子茂有文學政事云

毛氏葉樹實妻年二十八而寡生二子長希文三歲

次歸道輔六月孀居二十七年勤事紡績以奉舅  
姑季楚妻禮洪武二年旌

何氏朱彥祥妻年二十四而寡事姑撫子閱二十餘  
年洪武十八年旌

林氏葉仲餘妻年二十三夫亡孝於姑葬祭盡禮洪  
武二十七年旌孀居二十四年

張氏楊遂卿妻年二十四生一女夫亡姑憐其孤苦  
命再適張泣血誓不他食洪武二十三年旌

常氏徐心甫妻年十九夫亡孝養舅姑撫遺腹子紹  
宗有成孀居五十八年洪武初旌

章氏梁彥廣妻年二十七而寡事姑教子誓不再嫁  
洪武三十年旌

戴氏鄭季濂妻年二十四夫亡無子奉姑三十餘年  
洪武間表其門

齊氏葉庭桂妻年二十四而寡成化中卒青田陳中  
州爲之贊曰操履安固欣戚不形

陳氏谷得與妻景泰間山賊陶得二黨掠鄉村陳年  
二十二與隣婦同避巖穴爲賊所得欲犯之隣婦  
不從賊罵不從賊脅以刃罵愈厲賊怒殺之  
賊去以爲其骸葬之各其地爲烈婦嶺

黃氏陳孟皓妻年二十二夫亡黃娠已三月夫兄利  
其產免妻之黃誓死靡他及子生教之成立以壽  
終

周氏薛寵妻年二十三夫亡撫育遺孤誓無他志事  
舅姑尤以孝聞

葉氏余巖妻歸牛載夫亡葉年十八生遺腹子壽孀  
居五十五年而卒

陳氏何彥統妻夫亡子相繼殤孀居六十年而終

朱氏劉永紳妻永紳家貧朱鬻妝資奉舅姑無吝色  
越數載夫亡堅志守節以終

劉氏王漢永妻年二十四夫亡夫病時思瓜不得劉終身不忍食瓜後有司旌其閭

姚氏葉鑑妻二十五歲夫亡遺孤甫兩月紡績奉姑撫子成立郡守張紘復其家

陳氏謝幼教妻年二十三夫亡子一夔生甫三月教之成立卒年七十五

季氏俞昞妻年二十五夫亡寡居五十六年有司旌其門

梁氏葉葉妻年二十八守節無子以姪爲嗣家貧紡績爲生正德中卒年八十一

齊氏葉武晁妻年二十八而寡正德間有司旌其門

徐氏葉楚妻未婚楚凶問至徐年十八號慟乞奔喪至則服衰麻誓死不二寡言慎動未嘗一出閫外

嘉靖二十七年侍御裴紳以聞詔建貞孝坊歲給

粟帛

葉楚續處州府志作葉楚今從采訪冊

葉氏廩生趙子忠妻嘉靖戊子子忠赴鄉試卒於邸舍葉年十九誓以死守舉遺腹子承仁旋天氏持

節彌堅嘉靖四十四年旌

徐氏吳堯行妻年二十四夫歿苦節以終嘉靖間縣

令劉表其門



宋氏葉璠妻年二十而寡家貧子幼有勸之改適者  
氏執不可年六十餘嘉靖中卒

葉氏吳朝昇妻年二十四夫歿勵志守節始終不渝  
嘉靖三十六年縣令以貞潔表其門

奚氏生員王萃妻孝事舅姑出於至誠姑病顛天割  
股願以身代後姑患風痺不能轉側奚手承不潔  
者數年里老白有司扁其門曰賢孝歲給粟帛終  
其身

林氏進士王葑妻葑以毀卒於墓廬林食貧訓其二  
子竝以學行著聲督學晉江洪啓睿以孝節旌其

門年八十餘卒

胡氏生員盧鏞妻能詩善畫鏞雖弁裔安貧好學與  
胡甚相得鏞早世胡繪像寢室歲時陳飲食相對  
哽咽嘗有詩云昨夜三更夢仲宣沈疴依舊未曾  
痊醒來覓得刀圭藥封裏憑誰寄九泉未幾亦卒  
齊氏葉賜妻未婚賜以痘殤齊年十八聞訃奔喪誓  
不他適父母迎之歸欲奪其志齊潛縊於室遇救  
得甦家貧紡績度日以壽終

魏氏武生奚世恩妻年二十四夫亡子紹元尙在襁  
褓魏奉姑撫子艱辛萬狀子長襲千戶魏年八十

而終

陳氏應襲指揮武生何仁妻甫嫁而夫病未幾遂死  
陳足不踰榻目不窺戶年九十乃卒當道以聞詔  
旌其門

戈氏千戶郭朝恩妻年二十四夫亡舅姑復相繼歿  
氏經營喪葬罔不盡禮矢志撫孤迄於成立凡三  
十餘年而卒

陳氏都督僉事李一山側室一山五十餘娶郭氏生  
子承勛甫五歲而一山沒陳氏撫承勛恩逾已出  
承勛襲職赴京師訛傳其死耗陳氏哭之幾失明

比承勛專閫陳氏已前卒承勛痛不及養爲特置  
墓田勒石矢之曰李氏中絕之運非母不能翼太  
夫人以保其孤春秋祭享有不與太夫人同者是  
忘孤并忘李氏也

張氏衛人孫良佐妻年十七而嫁越二載夫亡家貧  
緝糶度日事舅姑撫遺腹子艱苦備嘗當道以賢  
節旌其閭免其子踐更壽八十而終

陳氏衛鎮撫張國棟妻國棟襲職以名檢自飭未幾  
病沒子漢傑尙幼陳織紵自給矢志不二漢傑青  
年力學中天啓七年舉人

楊氏胡鼎元妻鼎元故衛軍恒駕運艘於外楊善事  
其姑崇禎六年七月訛傳鼎元死於盜楊聞墮樓  
觸階而死

潘氏楊機妻機早卒氏矢志靡他崇禎十一年縣令  
朱璣表其門

孫氏紀維新妻年二十四而寡崇禎十四年卒年六  
十

陳氏吳鎖妻鎖亡子大科尙在襁褓陳矢志撫孤既  
長娶詹氏未三載大科卒詹氏年十八艱難撫遺  
腹子娶妻矣夫婦竝天兩世孀居無後聞者傷之

王氏生員劉士驥妻年十七從父官陽江遇海盜王  
恐被汚自投於水盜去覓之衣挂柁牙不死十九  
適士驥越五載士驥亡家酷貧紡績以字子女萬  
歷三十七年山水斗發幾滅頂忽一大木漂至抱  
之而浮閱一晝夜竟以免咸以爲神助云

謝氏生員何棟妻王氏生員何松妻謝二十四而夫  
亡王十九而夫亡俱無子妯娌孀居和洽織紉度  
日事翁竝以孝稱

王氏衛人陳口口妻父吳鄉里稱松園先生者也氏  
幼漸家訓貞靜自愛適陳未久而夫亡子思較猶

在襁褓稍長衛弁迫令駕運傾貲以免遂酷貧而貞操彌勵鄉族賢之

胡氏生員阮承歡妻承歡卒時子國梁方六歲胡撫孤不嫁既長娶媳陳氏而國梁文故遺腹子隆修姑媳偕撫之後隆修爲諸生有聲

董氏生員張國本妻國本早亡家貧董紡績以奉翁姑喪葬無失禮苦節五十載而卒子張翼諸生以優行稱

季氏生員董德新妻早寡守志五十餘年而歿二子國是國成並諸生

陳氏指揮續孔教妻姑久病刲股四十九處以救之舅有寵婢與陳隙以珠蘭根和藥脫姑髮詭言陳進姑恨甚髡陳髮而逐之姑死舅廉知刲股事并得婢陷害狀欲置之死陳力請宥之浙中底定孔教以殷頑誅陳聞不食而死

楊氏錢中選妻

國朝

張氏百戶甯世忠妻方國安潰兵至世忠父子俱被掠繫氏投懷中女於井遂自溺時六月也閱兩月世忠歸出其屍顏如生

趙氏謝俊陞妻方國安潰兵擾枯避於獅子山兵且至俊陞曰事亟矣奈何趙厲聲曰死耳兵至抱二歲子墮厓死年十八越日迹之則子蹲母腹索乳初無恙也

葉氏張科妻方國安潰兵至科父子俱被繫葉抱週歲女自沉於池

奚氏貢生陳昌蔭妻避兵於風山寨寨破投坑而死吳氏廩生陳所學妻所學有文行早卒吳矢志靡他避兵於風山寨寨破兵強負以趨吳嚙其肩兵負痛釋手遂奪兵刃自刎死

楊氏王朝聖妻避兵高溪源後大竹山兵至衆驚散楊投山下死

楊氏衛人何如忠妻年十八夫亡撫遺腹子大鎮得襲職明崇禎間大鎮以漕運卒於京楊撫其孤孫以老焉

徐氏廩生江一夔妻年二十夫亾事姑撫子咸中禮節

王氏生員梁盾祥妻年二十餘夫亾家貧資紡績以事姑子用中以明經入國學

葉氏祝忠仁妻夫亾家貧苦節以字其孤葉之未字

也會割右股療母疾至是姑疾割左股療之論者  
謂無忝節孝云

梁氏高應魁妻年二十五夫亾梁事舅姑撫孤子外  
人罕覩其面有貴室耳其賢欲娶之遣人通意梁  
責以大義聞者愧沮卒年七十一

陳氏吳志孟妻夫亾時年二十餘撫孤堅守壽七十  
餘而卒子奇標明經

盧氏監生陳學周妻夫亾時年二十餘堅守勿貳教  
子有成卒年七十一

劉氏武生聶維新妻年二十二而寡家貧紡績度日

卒年八十三

文氏詹文壁妻夫亾囊殮不給姑憐之欲其再醮氏  
剪髮自誓日夜紡績以奉姑撫子年七十餘而卒  
耿氏劉湯臣妻嫁二月而夫亾年十八無子矢志不  
貳有富豪慕其賢欲娶之終莫能強

劉氏李希堯妻年二十二夫亾無子家貧事舅姑育  
釋女孤苦以終守節三十九年

黃氏廩生辜存素妻早寡撫育子女備嘗荼苦年七  
十三而卒守節五十年

周氏劉仁顯妻縣卒金鳳強污之周大呼得免舍忿

投繯死有司坐鳳法周以烈旌康熙四十五年事  
范氏十五都碧湖人幼喪父母誓范誓不嫁以紡績  
養母母死厝柩於家供奉如生時年七十九而終  
葉氏陳正禮妻年二十八夫亡子顯祖娶張氏舉一  
子而卒姑婦並矢清操督學彭旌其門曰雙節  
何氏生員張帷妻年二十餘夫亡舅歿於嘉興逆旅  
何間關奔赴扶柩歸葬事姑撫子苦節三十年而  
終  
金氏廩生梁天晉妻年二十八夫亡矢志撫其子  
長而娶夫婦相繼歿金悲痛得疾以卒

高氏廩生張世澤妻年二十六夫歿紡績度日善訓  
其子爲名諸生年六十而卒

王氏何霏妻年二十五夫亡無子以夫兄子爲後子  
旋卒更後其族子零丁孤苦卒年六十餘

孫氏張獻臣妻年二十二夫死守志撫孤康熙十三  
年避亂卒於山塢子岑扶柩歸葬

梁氏生員楊世藩妻世藩死無子梁欲以身殉姑阻  
之不果後得危疾堅不藥語姑曰得死楊氏門幸  
矣遂卒

葉氏生員吳日高妻年二十六夫亡子乙纔週歲既

長而娶方抱孫乙死婦姑同守皆以節旌

余氏郡增生朱定海妻年二十四夫亡無子姑早卒  
翁八十餘動止需人氏事之無不至嗣子童昏氏  
訓戒良苦幸保其先業云卒年五十九

王氏生員陳天經妻年二十四夫亡守節五十三歲  
卒飲冰茹蘖者三十年

耿氏陳際乾妻年二十六夫亡遺孤鴻祖生甫七閱  
月氏撫訓兼至後爲諸生

葉氏陳璧妻康熙五十八年氏年二十八而寡翁八  
十餘臥病四載日侍湯藥不倦子大訓大奎以詩

禮二經著聲

趙氏名天助字湯姓未嫁而湯卒氏易服赴弔遂留  
養其姑姑死還依其母紡績自給乾隆初沒知縣  
冷模書柏舟遺操額表其門

詹氏生員王承吉妻雍正十年夫亡氏年十九撫孤  
萬齡爲諸生乾隆三十七年卒年五十九

呂氏某光妻夫亡矢節有被以穢言者憤而自盡乾  
隆初知縣高登科爲之請旌

周氏楊聚星妻年二十四夫亡無子絕粒者數日姑  
婉諭之始進水漿繼子佩環甫二歲稍長訓以義



方補諸生姑病衣不解帶者數月比沒哀毀如喪  
夫卒年九十四

章氏王正源妻嘉慶八年氏年二十四歸王甫十月  
而夫亾視殮畢投繯以殉

方氏生員何學濂妻乾隆五十三年夫亾時年二十  
八卒年八十九守節六十一年

李氏高順金妻屬歸甯惡少江某調之氏怒詈江脅  
以刃傷手氏大呼江逸去氏泣曰吾乃爲不肖所  
辱卽日還夫家投繯死嘉慶二十四年五月事也  
縣令廉得之置江於法

應氏謝茂華妻年二十六夫亾守節道光四年子國  
恩呈請旌表

梁氏生員王國治妻國治隨父厦門參將任會林爽  
文亂臺灣國治佐理軍務積勞而卒氏方奉姑赴  
閩中途聞變恐戚其姑節哀姑痛以往至閩踰歲  
而舅卒氏復奉姑扶柩回里姑遂病廢肢不能舉  
氏晝夜在視積歲未嘗言勞氏年二十四而寡六  
十四而卒道光五年也子尙忠諸生以學行重於  
鄉

朱氏龔承賢妻李氏承賢子起業妻一門雙節

陳氏張鼎瑞妻年二十九夫亾守節數十年而卒

湯氏廩生許義繼妻嘉慶十八年夫亾氏年二十卒  
年五十二無子以姪康緒嗣由廩生援例任福建  
平潭同知

周氏魏庭濬妻嘉慶二十五年夫亾氏年二十五無  
子以姪攀桂爲嗣事舅姑以孝聞矢志厲操終身  
如一日焉

梁氏生員吳國鎮妻

徐氏生員王運灝妻

江氏生員徐廣妻

徐氏生員劉朝選妻

高氏生員葉春芬妻

彭氏醫學陳大堯妻

林氏金之瑜妻

黃氏生員馮三策妻

楊氏廩生章正桂妻

吳氏生員林應會妻

徐氏生員吳名馨妻

林氏劉衷欣妻

陳氏褚應斗妻

孫氏劉作孚妻

俞氏生員徐國光妻

朱氏生員王光大妻

茹氏鮑志學妻

王氏贈奉直大夫錢桐妻

顧氏周在洧妻

鮑氏翁日照側室

以上已旌

潘氏花街何胤桂妻康熙八年夫亾氏年二十二雍

正六年卒年八十一守節六十年

倪氏下隲生員徐日起妻康熙二十年夫亾氏年二

十四無子悲不自勝越五日嘔血數升死

徐氏小井方盛志妻康熙三十七年夫亾氏年二十

七四子諸孫先後爲諸生知府鄭勳扁其門曰婺

照芹輝乾隆二十八年卒年九十一

周氏蘆村朱嘉俊妻康熙四十三年夫亾氏年三十

乾隆二十四年卒年八十五守節五十六年知縣

陳諱給扁獎之

魏氏石侯生員梁聘美妻康熙四十七年夫亾氏年

二十九遺孤甫週歲後爲諸生乾隆二十二年卒

年七十八守節五十年

程氏資福生員陳又蕃妻康熙四十八年夫亾氏年三十家貧甚苦節彌堅凡四十年乾隆二十六年卒年六十九子北樞爲諸生

何氏九龍葉亨仁妻康熙五十四年夫亾氏年二十五乾隆七年卒年五十二守節二十八年

任氏碧湖葉枝藩妻康熙五十八年夫亾氏年二十九家故貧又遭火幾無以爲生氏晝夜紡績以字其子子成立欲請旌於有司氏力止之乾隆四十年卒年八十五守節五十七年

孫氏泉鍾徐宗輔妻康熙五十九年夫亾氏年二十二乾隆五十三年卒年九十守節六十九年

紀氏九龍葉亨禮妻雍正元年夫亾氏年二十二乾隆三十七年卒年七十一守節四十九年梁氏亨禮子利錦妻乾隆十三年夫亾氏年二十九三十六年卒年五十四守節二十六年王氏利錦子貞醕妻乾隆三十九年夫亾氏年二十九嘉慶二十四年卒年七十四守節四十六年

季氏周前村陳安德妻康熙五十年夫亾氏年二十二乾隆二十五年卒年七十一守節五十年知縣

陳證表其門

周氏鳳山前張繼純妻乾隆四年夫亾氏年二十九  
乾隆四十七年卒年七十二守節四十四年

葉氏下章劉世官妻乾隆四年夫亾氏年二十六  
四  
十一年卒年六十三守節三十八年

童氏前田生員朱之正妻乾隆五年夫亾氏年三十  
訓二子燦烈竝爲諸生乾隆二十四年卒年四十  
九守節二十年縣令陳證表其門

鄭氏梅田周道興妻乾隆八年夫亾氏年二十四遺  
孤甫週歲氏事姑以孝遇夫兄弟皆有禮嘉慶九

年卒年八十五守節五十二年

張氏周巷周仁德妻乾隆八年夫亾氏年二十七五  
十九年卒年七十八守節五十二年

常氏下隄徐士培妻乾隆七年夫亾氏年二十二奉  
姑育子以孝慈稱四十二年卒年七十八守節五  
十七年

陳氏利航生員紀留魁妻乾隆十年夫亾氏年二十  
三十六年卒年七十三守節五十六年

湯氏碧湖薛士龍妻乾隆十二年夫亾氏年二十四  
子甫提抱而家酷貧矢志不嫁夫兄士梁鑒其誠

以田三十畝贍之五十五年卒年六十七守節四十四年

李氏根竹園周禮坤妻乾隆十三年夫亡氏年二十

四嘉慶十五年卒年八十六守節六十三年

葉氏碧湖王宏中妻乾隆十四年夫亡氏年二十七

五十九年卒年七十二守節四十六年

張氏城內俞盛祿妻乾隆十五年夫亡氏年三十八

先是氏有小姑嫁潘姓夫亡無子氏白舅姑迎養

之有疎屬妯娌嫠而貧氏招與同居青燈其績罔

有怨咨子少長訓之嚴不令耽逸樂嘉慶二年卒

年七十六守節四十九年

梁氏蘆灣朱肇桂妻乾隆十八年夫亡氏年二十三

歲遺腹生一女翁姑以家貧無後憐其荼苦欲嫁

之氏以死自誓年七十而卒守節四十八年

朱氏青林王萬齡妻乾隆二十年夫亡氏年二十四

五十八年卒年六十二守節三十九年

余氏庫頭朱緝祖妻乾隆二十一年夫亡氏年二十

三毀容截髮足不踰柵事舅姑益謹姑再亡兩事

繼姑皆稱其孝訓嗣子不爲姑息諸孫旣長且夕

視膳不輕假以詞色所謂至靜而德方者與年八

十而卒守節五十八年

戴氏茗河鄭浩妻乾隆二十一年夫亾氏年二十四  
嘉慶二十五年卒年八十八守節六十五年

梁氏樟塘陳炳耀妻乾隆二十二年夫亾氏年二十  
四嘉慶十一年卒年六十九守節四十六年

沈氏滴水巖陳大金妻乾隆二十二年夫亾氏年二  
十二嘉慶二十五年卒年八十四守節六十三年

陳氏紀店葉兆開妻乾隆二十七年夫亾氏年二十  
二嘉慶十七年卒年七十二守節五十一年

葉氏郎其周繼文妻乾隆二十四年夫亾氏年二十

六嘉慶二十二年卒年八十四守節五十九年

齊氏魏村生員魏祚珪妻乾隆二十五年夫亾氏年  
二十五疏布終身不御紈綺而周其族黨無有吝

色五十四年卒年五十四守節三十年

徐氏小井方懋中妻乾隆二十六年夫亾氏年二十  
二無子以姪爲嗣父母欲奪其志不可女紅以外

躬親園圃僅乃自給道光四年卒年八十一守節  
五十九年里人詠之曰敝衣蒙曉霧衰髻櫛寒風

蓋紀實也

章氏城內生員王配京妻乾隆二十六年夫亾氏年

二十八嘉慶十九年卒年八十守節五十三年子  
成洛娶武氏乾隆四十五年成洛死武氏年二十  
七道光十八年卒年八十五守節五十九年

袁氏沈村生員葉廷楷妻乾隆二十六年夫亾氏年  
三十教二子高揚高掀俱爲諸生乾隆四十一年  
卒年四十五守節十六年

李氏多姓嶺東李成瓊第四女幼不茹葷血及笄將  
字人氏前陳曰弟幼諸姊已嫁誰侍父母者請緩  
之逮父母沒繡像懸壁間朝夕進膳如生時遂不  
字乾隆三十四年卒年五十今所繡像尙存也

張氏武村武雲龍妻乾隆二十七年夫亾氏年十七  
無子或憫其貧勸之嫁氏曰爲二姓婦甯餓死耳  
資紡績度日嗣子早亾撫孤成立道光元年卒年  
七十六守節五十六年

李氏滴水巖周德聖妻乾隆二十七年夫亾氏年二  
十七事舅姑愉婉承志詭諛之聲不及婢媪閭里  
罕見其面嘉慶十一年卒年七十一守節四十五  
年

陳氏石牛項起龍妻乾隆二十八年夫亾氏年二十  
九嘉慶十三年卒年七十四守節四十六年



何氏梅田周永坤妻乾隆二十八年夫亾氏年二十  
三嘉慶十七年卒年七十二守節五十年

葉氏郎其周王都妻乾隆二十九年夫亾氏年二十  
無子撫嗣子成立嘉慶二十三年卒年七十四守  
節五十五年

王氏鳳山前監生張序璣妻乾隆四十五年夫亾氏  
年二十五撫遺腹子成立道光十九年卒年八十  
四守節六十年

周氏小安楊佩炎妻乾隆三十一年夫亾氏年三十  
無子父母憫其孤苦欲嫁之氏曰辱身以辱父母

不忍也以姪爲嗣嘉慶二十年卒年七十九守節  
五十年

潘氏下隩周繼侯妻乾隆三十一年夫亾氏年二十  
三嘉慶十六年卒年六十二守節四十年

李氏下隩徐士紉妻乾隆三十一年夫亾氏年二十  
四無子舅老姑盲氏事之曲當其意嗣子蔚文爲  
諸生有名道光二年卒年八十守節五十七年

端木氏黃塘窰李廷秀妻乾隆三十一年夫亾氏年  
二十五道光五年卒年八十四守節六十年

鄭氏城內閻英妻乾隆三十一年夫亾氏年二十七

金氏河邊王炳山妻乾隆三十二年夫亡氏年二十

六嘉慶二十五年卒年七十九守節五十四年

邵氏石牛項起英妻乾隆三十四年夫亡氏年三十

道光七年卒年八十八守節五十九年

周氏滴水巖陳兆棟妻乾隆三十四年夫亡氏年三十

十嘉慶五年卒年六十一守節三十二年

趙氏九龍陳金太妻乾隆三十一年夫亡氏年二十

八嘉慶十三年卒年七十守節四十三年

劉氏蘆灣朱光炳妻乾隆三十二年夫亡氏年二十

無子以姪爲嗣道光十一年卒年六十一守節四十年

葉氏鈞溪何雲海妻乾隆三十九年夫亡氏年三十

道光二十四年卒年一百歲守節七十一年

趙氏陳際項時貴妻乾隆三十八年夫亡氏年二十

七道光二十一年卒年七十守節四十四年

王氏西溪李全亨妻乾隆三十八年夫亡氏年三十

撫二孤成立長國學生次縣學生道光六年卒年

八十三守節五十四年

端木氏泉鍾徐聖炳妻乾隆三十八年夫亡氏年二十四道光四年卒年七十五守節五十二年

吳氏河頭陳大倫妻乾隆三十八年夫亡氏年二十一道光二十五年卒年九十三守節七十三年

吳氏庫頭朱元隆妻乾隆三十九年夫亡氏年二十四無子夫弟三人相繼沒翁姑悲痛欲死氏百方慰解雖一室飲泣相對未嘗有戚容以姪爲嗣慈嚴中節嫁一女衣裙皆手製也道光十三年卒年八十三守節六十年

張氏蘆灣生員朱肇壘妻乾隆四十年夫亡氏年二十八嘉慶十二年卒年六十守節三十三年

余氏樟塘王邦華妻乾隆四十年夫亡氏年二十八家貧姑老藉十指以養子恒約其食以奉姑嘉慶元年卒年四十九守節二十二年

張氏陳寮劉善裕妻乾隆四十年夫亡氏年三十家故小康願無翁姑伯叔氏內撫遺孤外支門戶皆能持大體隣媪多困乏稱貸罔不應嘉慶十二年卒年六十二守節三十三年

章氏城內增生楊履謙妻乾隆四十一年夫亡氏年

三十事舅姑謹訓子嚴子洵早歲爲諸生道光四年卒年七十八守節四十九年

金氏鳳山前監生張賢羣妻乾隆四十一年夫亡氏年二十四道光元年卒年六十九守節四十六年  
項氏趙村潘蔡球妻乾隆四十一年夫亡氏年二十九家無宿儲常忍飢作苦夜無燈火蒸香映微光以續道光九年卒年八十二守節五十四年

楊氏白巖王俊妻乾隆四十一年夫亡氏年二十五道光十四年卒年八十三守節五十九年

周氏鳳山前張序基妻乾隆四十三年夫亡氏年三

十嘉慶二十一年卒年六十八守節三十九年

何氏朱衙朱景科妻乾隆四十三年夫亡氏年十九道光十年卒年七十一守節五十三年

葉氏石侯梁昭德妻乾隆四十二年夫亡氏年二十八家業凋殘翁老病不能謀食氏常令二穉子掃敗葉供爨而躬勤紡績以佐甘旨翁沒附棺附體罔弗周備道光十一年卒年八十二守節五十五年

劉氏城內張上飛妻乾隆四十二年夫亡氏年二十九道光三年卒年七十五守節四十七年

陳氏紀店葉英妻乾隆四十三年夫亾氏年二十九  
道光三年卒年七十四守節四十六年

俞氏新亭孫禮廣妻乾隆四十三年夫亡氏年二十  
八道光六年卒年七十六守節四十九年

湯氏碧湖王錫田妻乾隆四十四年夫亾氏年二十  
九道光八年卒年七十八守節五十年

黃氏魏村魏祚純妻乾隆四十五年夫亾氏年二十  
八道光十三年卒年八十一守節四十四年

曹氏梅田監生周德昌妻乾隆四十六年夫亾氏年  
三十嘉慶十七年卒年六十一守節三十二年

孫氏泉鍾生員葉時榮妻乾隆四十六年夫亾氏年  
二十九道光十五年卒年八十三守節五十五年  
知縣黎應南表其門

葉氏白巖吳大忠妻乾隆四十六年夫亾氏年二十  
四嘉慶十一年卒年五十九守節三十六年

鄭氏五都鄭仁豪之長女字九龍葉丙爲妻未婚而  
丙卒女聞之遂自經年二十四時乾隆四十五年  
也

梁氏高溪葉盛龍妻乾隆四十七年夫亾氏年二十  
六嘉慶十二年卒年五十二守節三十六年

鄭氏水閣王允德妻乾隆四十七年夫亾氏年二十

二道光十三年卒年七十三守節五十二年署處

州府事范思敬爲之傳子萬年妻葉氏嘉慶二年

夫亾氏年二十三十二年卒年三十三守節十一

年

張氏桐嶺劉必成妻乾隆四十七年夫亾氏年二十

八子女各一相繼殤以姪爲嗣道光七年卒年七

十三守節四十七年

李氏梅田周繼幹妻乾隆四十八年夫亾氏年二十

二道光十二年卒年七十一守節五十年

楊氏河東葉惟榮妻乾隆四十九年夫亾氏年二十

七道光六年卒年六十九守節四十三年

謝氏鳳山前張序幹妻乾隆四十九年夫亾氏年二

十九無子以姪爲嗣家貧翁年八十餘氏事之無

失禮道光十八年卒年八十四守節五十六年

梁氏城內生員王經治妻乾隆五十六年夫亾氏年

二十八舅姑皆衰邁資紡績以養既沒喪葬咸盡

禮嘉慶二十一年卒年五十三守節二十六年

潘氏水東楊日銘妻乾隆五十年夫亾氏年二十八

方懷妊禱於神曰天不絕楊氏俾有兒否且從死

耳旋舉一子道光四年卒年六十六守節三十九年

葉氏寶定呂義泗妻乾隆五十年夫亾氏年二十四無子以姪爲嗣後爲諸生道光十三年卒年七十二守節四十九年

周氏鳳山前張序廷妻乾隆五十一年夫亾氏年二十五嘉慶二十五年卒年五十九守節三十五年張氏郎其生員周柱妻乾隆五十一年夫亾氏年二十一姑有篤疾日夜侍湯藥不倦道光六年卒年六十一守節四十一年

黃氏碧湖增生呂德忠妻乾隆五十一年夫亾氏年二十九撫三子亦誠亦謨亦謙皆爲諸生有名嘉慶九年卒年四十七守節一十九年

張氏後街生員葉楚妻乾隆五十一年夫亾氏年二十六嘉慶二十一年卒年五十六守節三十二年陳氏城內生員謝宗善妻乾隆五十一年夫亾氏年二十八無子以姪君和嗣後爲諸生道光二十六年卒年八十八守節六十年

王氏下圍武生葉步雲妻乾隆五十三年夫亾氏年二十二咸豐七年卒守節七十三年子生員蘭妻

章氏年三十夫以姪爲嗣卒年七十四守節四十四年人稱爲一門雙節

周氏城內生員何學涵妻乾隆五十四年夫以氏年二十四嘉慶十八年卒年四十八守節二十五年子雲錦妻王氏嘉慶十七年夫亡氏年二十五道光三年卒年三十六守節十二年

婁氏石侯蘇何妹妻乾隆五十四年夫以氏年二十九有子三人皆教以務本節用故雖貧咸能自立守節數十年以壽終

項氏後街監生葉麟瑞繼妻乾隆五十五年夫以氏

年二十六嘉慶十四年卒年四十四守節一十九年

李氏張山后生員周日庠妻乾隆五十六年夫以氏年二十一一家故貧氏奉翁姑撫遺腹子心力俱瘁年七十餘後以壽終

王氏城內生員褚芳蕙妻乾隆五十五年夫以氏年三十舅姑俱垂暮氏奉養惟謹暇則躬親操作子三人少長皆令執一藝性沈默同室罕聞其笑語年近九十始終若一焉

谷氏下概頭生員吳銓妻乾隆五十五年夫以氏年



二十訓子廷璠爲諸生守節數十年而卒

梁氏卽其周成美妻乾隆五十五年夫亾氏年二十

九道光三年卒年六十二守節三十五年嘉慶間

知縣鄒世榮表其門

葉氏關嶺江亨繼妻乾隆五十五年夫亾氏年二十

四無子以姪利源爲嗣嘉慶十七年利源死妻呂

氏亦年二十四無子兩世孀居食貧茹苦道光元

年葉氏卒年五十五守節三十一年同治六年呂

氏卒年七十九守節五十六年

周氏阮里翁開聖妻乾隆五十五年夫亾氏年二十

九嘉慶二十五年卒年五十九守節三十一年

徐氏小井方懋恩妻乾隆五十五年夫亾氏年二十

八夫兄弟利其改嫁屢迫之氏持斧斫庭柱曰若

視柱創合吾當嫁耳布衣疏食足跡未嘗踰戶限

道光六年卒年六十四守節三十七年

何氏周巷周啓發妻乾隆五十六年夫亾氏年二十

五道光十三年卒年六十七守節四十三年

章氏後街生員葉如芬妻乾隆五十六年夫亾氏年

二十八嘉慶十八年卒年五十守節二十三年

謝氏城內鄭廷幹妻乾隆五十六年夫亾氏年三十

無子以姪蘭爲嗣道光十七年卒年七十六守節四十七年

宋氏泉鍾徐君薦妻乾隆五十六年夫亾氏年二十一道光十七年卒年六十七守節四十七年

李氏張山后生員周文恒妻乾隆五十七年夫亾氏年二十三遺腹舉一子或以其貧勸再適氏泣然曰死骨未寒棄其翁姑幼穉而轉事他人尙得謂有人心乎矢死不二年近八十以壽終

陳氏碧湖葉亨達妻乾隆五十七年夫亾氏年二十五翁姑乖暮氏婉婉承顏婦修子職子長課之如

嚴師故三子皆厲名檢道光八年卒年六十一守節三十七年

李氏陳山沈正茂妻乾隆五十七年夫亾氏年二十五道光二十年卒年七十三守節四十九年

李氏庫頭朱鶴翬妻乾隆四十八年夫亾氏年十八翁老病子方在抱適歲凶氏採蕨充食而以紡織資易米爲養卒年七十二守節五十五年

周氏庫頭生員朱景松妻乾隆五十九年夫亾氏年二十撫遺腹子成立年七十餘以壽終

何氏河邊王春茂妻乾隆五十九年夫亾氏年二十

四子繼殤子身苦志守節數十年而卒

姚氏徐岸張振梁妻乾隆六十年夫亾氏年二十二  
道光二十五年卒年七十二守節五十一年

何氏進娟小安何奇盛女幼聰穎知書有求婚者父  
母欲許之女請曰弟幼吾又他適誰奉父母者吾  
且依膝下耳父母既沒遂不字以老春秋享祀哀  
慕如始喪焉嘉慶十六年教授張作楠扁其宅曰  
撤環終養

聶氏碧湖葉秉忠妻嘉慶元年夫亾氏年十九矢志  
守節年七十餘鄉黨咸欽仰焉

程氏寶定張佐文妻嘉慶元年夫亾氏年二十六無  
子以姪爲嗣卒年七十九守節五十三年

吳氏石牛蔡仁寶妻嘉慶元年夫亾氏年十九守節  
數十年以壽終

葉氏白河生員詹廷幹妻嘉慶三年夫亾氏年二十  
九年近八十人猶罕見其面焉

徐氏河邊葉亨濟妻嘉慶三年夫亾氏年二十五道  
光三年卒年五十守節二十六年

張氏阮里監生翁開儒妻嘉慶三年夫亾氏年二十  
卒年八十一守節五十二年子國賓諸生娶何氏

道光五年國賓卒何氏年二十九遺孤二復相繼  
殤氏奉姑厲節終無他志現年七十一守節四十  
三年

項氏水東潘日培妻嘉慶四年夫亾氏年二十八道  
光十五年卒年六十四守節三十七年

趙氏里河吳國榮妻嘉慶五年夫亾氏年二十九道  
光二十五年卒年七十四守節四十六年

張氏周堡周海潮妻嘉慶五年夫亾氏年二十七撫  
二子成立守節數十年以壽終

趙氏碧湖生員王忱妻嘉慶六年夫亾氏年三十撫

二子憲文綺文均爲諸生卒年七十八守節四十  
九年

徐氏城內連金富妻嘉慶六年夫亾氏年二十九家  
故貧事舅姑治喪葬益以困一子旣娶而天婦再  
離去單孑一身形影相弔荼苦之況斯爲甚焉卒  
年七十餘聞者傷之

李氏下圩王紹謨妻嘉慶七年夫亾氏年二十九道  
光十八年卒年六十五守節三十七年

孫氏白口張俊山妻嘉慶七年夫亾氏年二十三守  
節數十年以壽終

盧氏龕潭陳發昌妻嘉慶七年夫亾氏年二十四道  
光二十五年卒年六十七守節四十四年

鮑氏梅田周炳旦妻嘉慶八年夫亾氏年二十四矢  
志不他守節數十年而歿

葉氏趙村趙馬光妻嘉慶八年夫亾氏年二十六守  
節數十年以壽終

程氏任村任啓潮妻嘉慶十二年夫亾氏年三十無  
子誓栢舟之操守節數十年而卒

陳氏城內生員何雲衢妻嘉慶十二年夫亾氏年二  
十一家無隔宿糧日夜勤女紅撫遺腹子子旣壯

忽嬰心疾氏鬱鬱而沒子亦旋死苦節三十年卒  
不能延其祀聞者傷之

周氏阮里翁國材妻嘉慶十二年夫亾氏年三十道  
光二十五年卒年六十八守節三十九年

葉氏城內張賢舉妻葉故宦裔而張貧小姑且嫁妝  
資猝不得具氏卽以所有佐之嘉慶十二年賢舉  
卒氏年二十九事姑益謹恒典質以奉旨甘姑微  
察之詭曰孀居無復用釵珥選售之耳衣裳故在  
笥也會隣火起勢將及氏促姑率子女走避姑呼  
與俱氏曰男女雜糶中衢甯與室同燼耳無何四

鄰皆焦土而氏屋竟無恙道光二十三年卒年六十五守節三十六年

葉氏下章劉積中妻嘉慶十二年夫亾氏年二十四飲冰茹荼內外無間言焉

紀氏上莊楊起聰妻嘉慶十二年夫亾氏年二十五無子矢志靡他守節數十年

任氏郎其生員吳國英妻嘉慶十二年夫亾氏年二十四守節數十年

陳氏沙溪生員葉惟桐妻嘉慶十三年夫亾氏年二十九撫遺腹子成立年近七十鄉里其稱道焉

鄒氏城內監生許學純妻嘉慶十三年夫亾氏年二十八無子夫兄弟四已異財氏以姪爲嗣與姑共居問煥寒奉甘旨必當所欲姑壽至九十四乃終氏守節數十年而卒

李氏源頭徐盛作妻嘉慶十三年夫亾氏年二十九守節數十年以壽終

王氏城內貢生何雲照妻嘉慶十三年夫亾氏年二十七撫孤玉墀成立爲諸生卒年九十五守節六十八年孫鏞妻王氏年二十二夫亾卒年三十六守節十五年

應氏城內張鯉妻嘉慶十三年夫亾氏年二十四道光二十四年卒年六十守節三十七年

魏氏里河吳嘉讚妻嘉慶十四年夫亾氏年二十七守節數十年

賴氏水東嚴廷飛妻嘉慶十四年夫亾氏年二十六守節數十年

李氏桑溪桑裕剛妻嘉慶十四年夫亾氏年二十三家產纔自給而夫弟五人俱未婚氏經營勞瘁與遺腹子竝以次授室守節數十年以壽終

徐氏梅田周炳南妻嘉慶十五年夫亾氏年十九無

子夫弟尙幼慈之如母藉以成立守節數十年

何氏下隩周松德妻嘉慶十五年夫亾氏年二十九

道光九年卒年四十八歲守節二十年

鄭氏南溪魏培瑞妻嘉慶十六年夫亾氏年二十七

道光四年卒年四十二歲守節一十六年

李氏沙溪陳心源妻嘉慶十六年夫亾氏年二十五

守節數十年而歿

楊氏盧村許鍾義妻嘉慶十六年夫亾氏年二十五

守節數十年終身如一日焉

呂氏河邊王秉綱妻嘉慶十七年夫亾氏年二十七

守節數十年鄉黨奉爲母儀

周氏里河生員吳琳妻嘉慶十七年夫亾氏年二十九教子恂爲諸生守節數十年

徐氏梅田周炳盛妻嘉慶十八年夫亾氏年二十撫遺腹子成立卒年六十九守節四十九年

吳氏太平王聖順妻嘉慶十八年夫亾氏年二十五無子食貧自守貞操彌堅守節數十年

鄭氏水閣孫連山妻嘉慶十八年夫亾氏年二十五道光十二年卒年四十四守節二十年

葉氏缸窰生員李輝墀妻嘉慶十八年夫亾氏年二

十道光四年卒年三十一守節一十二年

何氏關嶺江亨函妻嘉慶十八年夫亾氏年二十七撫子女畢婚嫁且抱孫矣二子相繼逝兩媳依之不去飲水茹蘗稱苦節焉

湯氏下莊葉中魁妻嘉慶十八年夫亾氏年二十二無子以姪爲嗣請旌立坊咸豐八年卒守節四十六年子雲洙妻王氏年二十九夫亾奉姑撫孤現年六十一守節三十三年

余氏城內顧紹成妻嘉慶十九年夫亾氏年二十四其家自舅姑以下男婦幾百口氏遇之各中禮節



無何子殤夫兄弟竝析居乃長齋小樓雖至戚不  
輒見年五十六請旌

朱氏下圩鄭松正妻嘉慶二十年夫亾氏年二十九  
年六十請旌

鄭氏張村張木水妻嘉慶二十年夫亾氏年二十年  
五十一請旌

葉氏蘇步周金德妻嘉慶二十一年夫亾氏年二十  
三年五十三請旌

李氏庫頭朱林模妻嘉慶二十一年夫亾氏年二十  
六年五十六請旌

徐氏白峯陳煥奎妻嘉慶二十一年夫亾氏年二十  
六卒年五十六守節三十一年

謝氏均溪何憶辰妻嘉慶二十一年夫亾氏年二十  
一無子以姪爲嗣年五十一請旌

周氏在城趙陽培妻嘉慶二十一年夫亾氏年二十  
六貧無食或至飲水卒撫成其孤年五十六請旌  
俞氏在城陳汝玉妻嘉慶二十一年夫亾氏年三十  
年六十請旌

何氏陳寮劉文榮妻嘉慶二十一年夫亾氏年二十  
二奉姑不嫁卒年六十七守節四十六年

劉氏河邊王金梅妻嘉慶二十二年夫亾氏年二十  
一舅姑前卒而王姑篤老扶持抑搔惟氏伊賴既  
沒喪葬皆盡禮以姪爲嗣撫之成立年五十請旌

謝氏餘嶺張學美妻嘉慶二十二年夫亾氏年二十  
九年五十八請旌

陳氏新謝謝松定妻嘉慶二十三年夫亾氏年二十  
八年五十六請旌

徐氏下圍葉茂枝妻嘉慶二十三年夫亾氏年二十  
三年五十一請旌

王氏鳳山前張賢書繼妻嘉慶二十三年夫亾氏年

二十七撫前室子如已出年五十五請旌

朱氏武村武學益妻嘉慶二十四年夫亾氏年二十  
九年五十六請旌

任氏任村程金喜妻嘉慶二十四年夫亾氏年三十  
年五十七請旌

李氏阮里武生翁開初妻嘉慶二十五年夫亾氏年  
三十卒年七十二守節四十二年

鄒氏小安楊世位妻嘉慶二十五年夫亾氏年二十  
五子女相繼殤氏苦心壹志事王姑及姑曲當其

意道光十九年卒年四十四守節二十年

許氏阮口張文魁妻道光元年夫亾氏年二十五年  
五十請旌

朱氏箬溪葉維翰妻道光元年夫亾氏年二十七年  
五十二請旌

杜氏阜樹陳洲琳妻道光二年夫亾氏年二十七年  
五十一請旌

沈氏碧湖湯庭槐妻道光二年夫亾氏年二十八家  
貧甚以粗糲字子女而曲謀甘旨以奉姑年五十

二請旌

張氏下張俞士梁妻道光三年夫亾氏年二十九年

五十二請旌

吳氏張村街黃明言妻道光三年夫亾氏年三十無  
子年五十三請旌

魏氏碧湖生員沈士鼈妻道光三年夫亾氏年二十  
九年五十二請旌

葉氏碧湖雷紀全妻道光五年夫亾氏年三十年五  
十一請旌

湯氏河邊金金有才妻道光五年夫亾氏年二十八  
年五十請旌

顏氏路岡楊顧海妻道光五年夫亾氏年二十九年

五十請旌

黃氏前山陳庭樟妻道光五年夫亾氏年三十年五

十一請旌

呂氏小山呂成仁女字李甲爲妻及笄李貧不能娶告絕於呂遂自亾也父母欲改字氏斷髮自誓曰不歸李依膝下以終耳年六十而卒

魏氏城內監生譚學瀄妻勤於婦事舅尤謹甘旨必躬親乃進不以任臧獲道光七年學瀄以療亾氏年二十四一子尙襁褓日者謂其薄祿宜事佛以邀福氏曰不爲堂上祝遐齡而呱呱者是亟耶

數年子殤舅亦繼歿氏病作不藥家人勸之氏曰前之不死以存孤也孤亾而舅存不宜死今復何待乎遂不食而卒年三十四距學瀄之亾十年矣  
以上道光二十六年彙詳請旌

葉氏梁應選妻夫亾守節五十一年壽七十六潘氏

梁應□妻年二十夫亾守節四十四年許氏梁應

□妻年二十二夫亾守節四十二年張氏梁應箕

妻年二十七夫亾守節三十三年人稱一門四節

雍正浙江通志潘氏許氏夫名績志俱作應星無從考訂故闕之

陳氏王振宗妻年十九夫亾矢志不渝卒年四十一

女適錢泓早寡冰霜苦節有母氏風

郭氏生員余灝妻年十九夫亡無子攜一女依其母  
母死女嫁遂自盡

劉禹臣妻余氏

許成仁妻陳氏

梁氏四節至此  
並見浙江通志

王氏陳所懷妻雍正二年夫亡守節乾隆九年知縣  
鄭勳題節比松筠匾贈之

錢氏陳之挺妻夫亡守志之死靡他乾隆十一年知  
府劉嵩齡表其門

周氏陳宗韶妻夫亡撫孤立節不移乾隆二十四年

知縣陳謹題志潔行芳額表之

孫氏徐道容妻年二十四而寡撫一子成立全節以  
終

林氏徐居禮妻年二十二而寡仰事俯育終始不渝  
其志

王氏生員葉封唐妻年二十九而寡守節至五十一  
歲而卒

梁氏陳仁發妻年二十六夫亡守節至七十六歲而  
卒

魏氏教諭何棣繼妻翁疾甚羣醫束手一日藥進霍

然起咸以爲異而察氏一臂恒不舉視之創甚乃知其曾刳股也

潘氏寶定生員梁高材妻道光十一年病亟子婦爲易和衣見臂癢訝之氏蹙然曰吾二十歲時父病劇母攜弟妹相向泣吾計無復之曾告天刳股耳然吾聞身體髮膚不可毀傷願汝曹勿效之也

楊氏小安生員楊開昌女年十二母沒哀慕如成人越二年父病聞昔有刳股療親事遂割右臂和藥進病爲少瘥後歸西溪生員李生成

魏氏沙溪生員陳廣妻翁疾甚投藥罔效氏夜焚香

### 告天刳股進之獲痊

曾氏碧湖監生曾致身女字同里王姓年十九母病篤女於樓上供觀音像朝夕禱祈母病益劇取利刃割左臂懷肉下樓至半梯暈仆舉家驚救見臂血淋漓乃共歎爲至性過人焉

以上據采訪冊以原無年號或無守節歲數故與通志所載均附於後到股婦女五人并附見焉

翁氏小安職員何雲階妻家富於財好施與親串至其家款待甚優卽素不相識者亦飽餐信宿而去咸豐八年粵匪踞城氏出錢穀命子仍璣與戚閻其新團勇禦賊適總兵周天受由武義進剿取道

小安氏具饌饗軍二千人食咄嗟而辨周駭焉越三日周移營銀場與賊戰敗走氏知賊勢猖獗防守益嚴賊畏其強不敢出北門餽以美言令輸納誓不犯小安氏不聽約各村團勇定四月二十二日攻城黠者以期洩賊賊先三日率大隊至晨門未闢謹言賊至氏呼子仍璣璣登臺擊鼓賊已入室璣擲以火銃失足墮臺下賊刺殺之氏見子被害直立罵賊賊刺以矛血流被面罵不絕聲賊火其廬去氏顛撲而出次日遂卒

湯氏城內職員許讓繼室家素饒裕子康緒仕福建

平潭同知咸豐十一年避亂於雲和之長廳賊驟至搜其篋見命服詫爲貴官眷遂責氏銀氏曰篋笥俱在任若取賊遍搜無之疑爲坎埋因撈掠氏氏大罵賊怒以棉蘸油裹而燒之氏至死罵不絕

口

解女年十八未字婉嫵有節操咸豐十一年隨父天喜避亂東鄉沈村賊搜掠被擄女給賊曰妾願從但吾父老矣肯釋之者當終身奉巾櫛賊喜釋其父以馬授女女上馬行至巖泉度父去已遠適見池水遂由馬上躍入而死

謝氏劉錫田妻年二十一歲同治元年正月在青田南岸遇賊氏呼其夫倉卒不知所在疑爲賊殺遂抱幼子號泣赴水死

黃氏城內章顯涇妻道光十八年夫亾氏年二十九卒年六十六守節三十七年

葉氏城內吳祥水妻夫亾氏年二十九現年六十一守節三十二年

林氏城內葉朝魁妻夫亾氏年三十現年六十守節三十年

蔡氏城內生員葉鍾秀妻夫亾氏年二十九現年五

十七守節二十八年

楊氏金烏潘漢德妻道光十一年夫亾氏年二十九現年七十二守節四十四年

王氏監生章克乾妻夫亾氏年三十現年六十六守節三十六年

王氏李佳源陳士毅妻夫亾氏年二十現年七十九守節五十九年

高氏潘芝照妻粵匪踞城避居三都余庄前同治元年六月賊驟至逼淫之氏大罵不從遂與子金榮同被害



黃氏龔潭陳作霖妻道光十四年夫亾氏年二十一  
現年六十一守節四十年矣同治八年請旌

梁氏龔潭生員陳作仁妻夫亾氏年二十三同治十  
二年卒年五十八守節三十五年

顧氏水東周元吉妻夫亾氏年二十四現年六十八  
守節四十四年

顧氏聶康年妻夫亾氏年二十九現年七十五守節  
四十六年

李氏城內黃金彩妻夫亾氏年二十九現年六十六  
守節三十八年

林氏城內生員金菘妻夫亾氏年二十九現年六十  
守節三十一

張氏城內生員季埜妻夫亾氏年二十一矢志靡他  
事翁姑以孝處娣姒以和無子以姪爲嗣現年五  
十六守節三十五年

湯氏城內儒童季增妻夫亾氏年二十四守志撫孤  
以針黹自給現年五十一守節二十七年

李氏城內廩生鄭以道繼室咸豐十一年以道避亂  
青田贅其家結褵五月而亾氏年二十五時經兵  
燹家式微且多積逋氏挈子婦旋里入門諸姑伯

叔均未識面氏接見咸中禮節咸黨稱其賢而憫其苦氏安之若素不幸子亾婦又亾氏悲憤憂鬱以療疾卒年三十二子生員景韓妻姚氏夫亾氏年二十守節六年而卒

葉氏王炳林妻夫亾氏年二十三撫遺腹子家貧甚舅姑勸其再醮氏矢志不從紡織針黹以度日咸豐八年粵匪踞城氏偕子婦避於蓬裏斜賊分股搜掠氏懼不免伺子外出遂服毒子歸對之號泣氏笑曰吾不爲賊辱得死所矣何哭爲卒年五十九

劉氏何仍如妻性貞靜事翁姑盡婦道咸豐八年遇賊賊逼汚之氏大罵不從躍入水而死

楊氏缸窰李孔彰妻家素封夫亾氏年二十五僅生一女翁姑俱早逝遂依母居母賴以養餘年家有餘積時濟貧困嘗聞鄰有溺女者急贈錢穀以拯之女嫁後卜地厝翁姑咸中禮節病革命婿檢平日借券二百餘紙悉焚之人多其義焉卒年五十九守節三十四年

葉氏碧湖貢生王雲章妻事舅姑以孝家貧以紡織奉旨甘同治元年避賊高溪之源一日大雨被賊

執之索簪珥不與厲聲罵賊而被害

魏氏沙溪生員陳做妻夫亾氏年二十八子在襁褓  
誓無二志子長入邑庠娶婦生一孫未幾婦死子  
又死氏忍泣吞聲撫幼孫備嘗艱苦鄉族稱其賢  
現年七十三守節四十五年

張氏上趙程鴻禧妻道光十四年夫亾氏年二十三  
無子姑有狂疾日肆詈詈氏曲意承順無怨言咸  
豐八年卒守節二十四年

林氏上趙程鴻文妻咸豐元年夫亾氏年二十九夫  
柏舟之操笑語不出廳屏或勸其再醮則嗚咽現

年五十二守節二十四年

翁氏梅田周國相妻道光十二年夫亾氏年二十三  
茹蘖飲冰矢無他志卒年五十五守節三十二年  
姑徐氏亦青年守志同治四年知縣陶鴻勳以兩  
代全貞額其門

李氏張山后沈朝英妻道光二十四年夫亾氏年二  
十一屏去簪環日以紡績爲事現年五十一守節  
三十年

葉氏上趙村趙育合妻夫亾氏年二十八無子以姪  
爲嗣現年五十一守節二十三年

周氏上趙村趙承讓妻夫亾氏年三十子名松齡諸  
生現年五十守節二十年

余氏嶺根周鈞銘妻夫亾氏年二十六現年七十二  
守節四十六年

周氏雅嶺李毓業妻夫亾氏年二十六矢志靡他辟  
纊灌園不辭勞瘁戚黨罕見其面現年七十一守  
節四十五年

程氏碧湖生員葉貞儒妻夫亾氏年三十勤劬教子  
卒年五十四守節二十四年

潘氏雅嶺莊生員李殿奎妻夫亾氏年二十八歲現

年五十二守節二十四年

繆氏陳漆下村項成發妻夫亾氏年二十六現年五  
十守節二十四年

張氏張村林根順妻夫亾氏年二十九現年六十二  
守節三十三年子土靈妻王氏夫亾氏年二十六  
現年四十四守節十九年

王氏鴛頭沈國輔妻夫亾氏年二十四卒年四十九  
守節二十五年

葉氏任村監生王夢齡妻道光二十三年夫亾氏年  
二十九卒年五十九守節三十年

李氏滿蓮馬鳴庄李厥中第四女幼有至性父死年  
及笄有議婚者氏跪母前泣曰三姊已嫁兄弟未  
婚女又他適母老矣誰侍奉者願終身依膝下遂  
不字每日誦經爲母延壽同治七年三月無疾而  
終年二十九

應氏秋塘烟世璧妻夫亾氏年二十一現年六十五  
守節四十四年

梁氏黃畎監生許平邦妻夫亾氏年二十九現年六  
十六守節三十八年

葉氏玉溪何億灝妻道光二十年夫亾氏年二十七

現年六十一守節三十五年

王氏河邊葉雲凌妻道光二十七年夫亾氏年二十  
四現年五十守節二十八年

陳氏河邊金庄金壽春妻咸豐元年夫亾氏年二十  
七現年五十守節二十四年

葉氏小山徐愛興妻道光二十八年夫亾氏年二十  
三現年五十守節二十七年

王氏均溪何乾元妻道光十四年夫亾氏年二十四  
現年六十四守節四十年

葉氏楊山楊世忠妻道光二十七年夫亾氏年二十

六現年五十三守節二十八年

胡氏河邊葉亨渭妻道光二十年夫亾氏持家以節儉訓子以義方鄉族共稱其賢咸豐八年粵匪入境氏歎曰吾老矣誓不見賊奔村後塽頭坑投水而歿時年七十有一子名鳳儀爲諸生有聲

潘氏河邊生員葉雲鰲妻咸豐八年粵匪將入境鰲令氏先避氏曰與君同往耳妾何忍獨先語未竟賊至鰲倉卒不知所在氏遂躍入河而死子名鳳翔邑諸生

李氏源頭徐茂傑妻嘉慶十五年夫亾氏年二十五

家貧日夜紡織躬親圍圃撫孤奉姑備嘗艱苦卒年七十五守節五十年

高氏龐山楊賢康妻嘉慶十三年夫亾氏年二十三撫孤以紡織度日卒年七十五守節五十二年

徐氏下園葉朝璣妻夫亾氏年二十二咸豐二年卒年六十三守節四十一年

周氏下園葉聖燦妻夫亾氏年二十五道光二十二年卒年六十五守節四十年

李氏下園葉希賢妻夫亾氏年二十八卒年八十四守節五十六年

葉氏源頭徐允興妻道光十二年夫亾氏年二十九  
矢志撫孤二子皆長成娶婦諸孫林立現年七十  
二守節四十四年

徐氏小井方得瓊妻道光二十四年夫亾氏年二十  
八撫遺孤以紡績度日現年五十八守節三十年  
矣

湯氏下莊生員葉雲逵妻夫亾氏年三十無子以姪  
爲嗣現年五十守節二十年

葉氏魏村生員魏紹暮妻夫亾氏年二十七矢志靡  
他長齋誦佛以禮處己以儉持家以義教子年七

十鄉黨以節壽雙高額之同治十二年請旌現年  
七十一守節四十五年一子名際莊諸生

魏氏厦河王世箴妻年及笄于歸有日夫疾篤母商  
諸氏氏曰貞女不更二夫禮也母從之遂適王旬  
餘夫疾益篤氏奉湯藥惟謹嘗禱神願以身代未  
幾夫死氏年二十二痛不欲生衆勸以母老而止  
遂終身疏布足不踰相外戚黨罕覩其面焉卒年  
四十二守節二十年

顧氏生員葉逢年妻道光二十三年夫亾氏年二十  
九事姑孝家貧以針黹自給卒年四十五守節十

六年

葉氏碧湖闕廷紹妻夫亾年二十六矢志撫孤現年五十八守節三十二年子名廣華諸生

葉氏碧湖生員呂元調妻夫亾氏年二十三矢志撫孤而秉性嚴正雖燕居未嘗妄言笑卒年六十二守節三十九年

呂氏碧湖童生葉大萊妻夫亾氏年二十八家貧矢志撫孤備歷艱辛現年五十四守節二十六年

鄒氏橫塘何夏仁妻夫亾氏年二十七撫遺孤家貧以紡績爲生現年五十六守節二十九年

王氏碧湖增生葉雲錦妻夫亾氏年二十九矢志厲操孝事舅姑子貞儒貞邦均諸生貞泰歲貢生卒年七十守節四十二年

方氏碧湖生員王猷妻道光二十六年夫亾氏年二十四現年五十二守節二十九年

宋氏碧湖儒童王世端妻咸豐二年夫亾氏年二十九無子以姪爲嗣現年五十一守節二十三年

顏氏碧湖江開寅妻道光十三年夫亾氏年二十九現年七十一守節四十三年

郭氏碧湖廩生王郁文妻道光十四年夫亾氏年三



十家貧矢志不渝現年七十守節四十年

趙氏紀店葉陳烈妻嘉慶九年夫亾氏年二十八現年八十守節五十二年

張氏碧湖儒童葉寬槐妻道光六年夫亾氏年二十  
二撫孤守志卒年五十八守節三十六年

徐氏上黃王大純妻道光十一年夫亾氏年二十九  
現年七十二孫曾林立守節四十四年

李氏上黃王大受妻道光二十四年夫亾氏年二十  
九現年五十九守節三十年

闕氏碧湖葉炳元妻道光二十八年夫亾氏年二十

八現年五十四守節二十六年

陳氏魏村儒童魏庭皓妻道光十八年夫亾氏年二  
十四現年六十守節三十六年

魏氏周巷儒童周必隆妻道光二十七年夫亾氏年  
二十四現年五十一守節二十七年

鄭氏碧湖儒童葉成璧妻道光十七年夫亾氏年三  
十現年六十七守節三十七年

蔡氏岑溪齊世科妻夫亾氏年二十四矢志靡他鄉  
里共稱其賢卒年七十七守節五十三年

任氏岑溪齊正幹妻夫亾氏年二十九堅貞之操凜

如霜雪卒年四十九守節二十年

周美芝九龍生員周國楨女同治六年女年二十六

某甲挑以褻語女呵之甲反唇辱罵女怒曰吾不

幸爲狂暴所辱遂忿恨自盡知縣劉錫彤廉其情

置甲於法以維持風化四字額其門詳請旌表奉

旨建坊入祠

葉氏周巷生員周壽岡妻咸豐二年夫亾氏年三十

歲同治十二年卒年五十一守節二十一年

何氏岑溪齊仁松妻夫亾氏年三十矢志厲操卒年

六十三守節三十三年

魏氏岑溪齊世彥妻夫亾氏年三十矢柏舟之操鄉

里稱賢卒年六十九守節三十九年

徐氏岑溪齊新喜妻咸豐八年粵匪猝至將淫之氏

大罵賊以刃試其頸氏迎刃而死時年三十歲

何氏岑溪齊學篔妻咸豐八年避寇於山寮賊搜掠

將至氏曰吾義不辱身投崖而死時年二十八歲

葉氏紀履繼妻咸豐八年粵寇逼近氏曰吾婦人也

何能遠避况男女雜糅於道途不如死遂投河而

死

湯氏大壟武生謝紹陳妻夫亾氏年二十八守志奉

姑同治元年粵匪分投搜掠人勸其遠避氏曰吾姑老矣且病不能遠行吾豈可舍姑以偷生乎侍左右不去賊至掠其姑氏大罵遂被害

王氏碧湖童生鄭國楹妻道光五年夫亡氏年二十八卒年五十四守節二十六年

吳氏資福陳祖森妻道光十五年夫亡氏年二十四矢志厲操子立綱爲諸生現年六十三守節三十九年

王氏高溪葉貴成妻夫亡氏年二十八家貧以紡績自給卒年六十八守節四十年

留氏高溪儒童葉紹泗妻夫亡氏年二十四無子以姪誥爲嗣平居勤儉端莊柏舟之操內外無閒言咸豐九年知縣吳爾慶爲之請旌并以節勵冰霜四字額其門卒年六十三守節三十九年

黃氏高溪葉坤富妻夫亡氏年二十七卒年六十三守節三十六年

王氏高溪生員葉繼楚妻夫亡氏年二十九志勵冰霜事舅姑以孝三子均爲諸生卒年六十五守節三十六年

魏氏高溪儒童葉長懋妻夫亡氏年二十四無子以

姪价爲嗣卒年五十二守節二十八年

毛氏高溪葉實開妻咸豐八年粵匪入境氏恐遭其辱投河而死

葉氏紀唐楫妻咸豐八年粵寇至合家遷徙途中適與賊遇衆如鳥獸散氏遂躍入河中而死

周氏雅嶺生員李國材妻道光四年夫亾氏年二十九卒年六十七守節三十八年同治七年知縣朱廷梁以志勵水霜扁其門

徐氏雅嶺李輝鑾妻道光三十年夫亾氏年二十五同治十年卒年四十六守節二十一年

朱氏雅嶺監生李國照妻道光二十一年夫亾氏年二十八咸豐九年卒年四十六守節十八年

徐氏西溪監生李其烜妻年五十賊至擄掠氏氏大聲罵賊賊以利刃穿其胸而死

朱氏小安何文進妻夫亾氏年二十五矢志守節事翁姑至孝及沒喪葬咸盡禮現年六十七同治四年知縣陶鴻勳詳請旌表

朱福芝盧灣朱必洋女年十八於咸豐十一年合家

避寇於牛嶺賊至被執將淫之女厲聲大罵賊持刃佯爲欲刺狀女引頸躍就之遂被害聞者咸揮

淚稱其烈焉

劉氏盧衙章金露妻咸豐八年粵匪踞城盧衙去城十里許一日賊掩至合村奔避氏抱三歲兒赴水而死時年二十九

章氏盧衙潘必正妻粵匪搜掠將入村氏遂自縊而死年五十一

朱氏城內蔡培珍妻夫亾氏年二十六現年五十五守節二十九年

梁氏蘇埠林火亮妻夫亾氏年三十現年五十守節二十年

張氏小安楊維翰妻夫亾氏年二十八現年五十二守節二十四年

張氏小安何億萬妻道光二十一年夫亾氏年二十六年現年六十守節三十四年

潘氏上陳陳增裕妻道光二十六年夫亾氏年二十七現年五十五守節二十八年

潘氏謝山頭謝義乾妻道光二十八年夫亾氏年二十六現年五十二守節二十六年

李氏阮里生員翁廷誥妻道光二十五年夫亾氏年二十三現年五十三守節三十年

吳氏蓮房周忠露妻道光九年夫亾氏年二十四現年七十守節四十六年

張氏蓮房周金蓮妻道光二十八年夫亾氏年二十四現年五十一守節二十七年

朱氏蓮房龔永利妻道光二十一年夫亾氏年二十四現年五十八守節三十四年

鄭氏西溪廩生李廷桂妻道光十七年夫亾氏年二十二卒年四十二守節二十一年

吳氏西溪李如勳妻道光二十年夫亾氏年二十九卒年五十二守節二十三年

李氏岱後朱鳳連妻夫亾氏年二十九卒年八十一

守節五十二年

李氏岱後朱廣榮妻夫亾氏年二十七卒年七十三守節四十六年

桑氏西溪李運大妻夫亾氏年二十九家貧勤紡績以事舅姑同治元年粵匪猝至遂遇害時年五十

九守節三十年

曾氏畎岸陳殿蕙妻道光二十四年夫亾氏年二十

四現年五十四守節三十年

潘氏畎岸陳康冬妻道光二十一年夫亾氏年二十

四現年五十七守節三十三年

鄭氏畎岸陳維周妻夫亾氏年二十一矢志厲操家人不戒於火焚死年四十六守節二十五年同治

三年請旌

趙氏畎岸陳殿蘭妻道光二十四年夫亾氏年二十

一現年五十一守節三十年

黃氏聖嶺阮監生李茂妻夫亾氏年二十五矢志不

渝勤儉靜穆卒年四十九守節二十四年

顏氏桑村饒守林妻咸豐八年賊猝至將逼淫之氏

大罵不從躍入坑而死時年二十三歲

林氏壇峽劉春和妻夫亾氏年二十四家貧以紡績

度日饔飧常不給現年五十九守節三十五年

陳氏林宅口王火林妻咸豐八年四月初一日粵匪

擁至懼爲所污歎曰與其受辱何如速死遂抱週

歲女赴水而死

葉氏平陽崗張才有妻咸豐十一年遇賊賊欲污之

氏大罵賊怒而殺之

陳氏平陽崗張李有妻咸豐十一年避寇於下坵庄

適在井邊擣衣賊至脅以走氏不從躍入井內而

死

吳氏張村街黃金賢妻夫亾氏年二十五家貧無子  
茹藥飲冰始終如一卒年六十九守節四十四年

陳氏蘇埠葉起運妻同治元年六月遇賊殺於陳山  
頭之麓

翁氏蘇埠叩茂土妻同治元年六月遇賊殺於陳山  
頭之麓

章氏蘇埠葉錢選妻同治元年六月遇賊殺於大崗  
嶺頭

涂氏畎岸陳鳳麟妻夫亾氏年二十三卒年五十五  
守節三十二年

潘氏畎岸陳康喜妻夫亾氏年二十七卒年七十二  
守節四十五年

曾氏畎岸陳朝梅妻夫亾氏年二十七卒年七十守  
節四十三年咸豐七年請旌

孫氏城內儒童鄭以義妻年二十于歸夫得咯血症  
氏侍湯藥晝夜不解帶越三月夫亾哭泣盡禮屏

去簪珥未嘗言笑憂鬱悲憤守節七年而卒  
謝氏城內葉上元妻夫亾氏年二十一卒年二十九  
守節八年

劉氏下河王世隆妻夫亾氏年二十八卒年四十四



守節十六年

王氏王弄武生龔起龍妻夫亾氏年二十八現年七十三守節四十五年

謝氏里河吳廷璠妻咸豐十一年在本村遇賊脅以走氏不從遂被害時年三十三

周氏坑里生員翁國楨妻同治元年避亂於盧村賊突至氏呼子婦速走曰吾老矣不能行甯罵賊而死耳遂遇害

陳氏增生熊昌豐妻咸豐八年遇賊賊逼淫之氏竭力抗拒被刺而死

陳氏沈村生員曹元愷妻同治元年遇賊不屈死  
葉氏南溪魏士才妻咸豐八年遇賊死

武氏下嶺武生李廷榜妻同治元年在本村遇賊賊強負之以走氏嚙賊肩賊負痛釋手以鎗刺之躍入水而死時年三十四

李大姑二姑西溪李成信女咸豐十一年賊至成信與其父億中鎗死二女見祖父均亾號泣罵賊遂同時被害

魏氏周巷鮑顯照妻咸豐八年避亂於磨石崗賊掠掠驟至遂投崖而死

顏氏張村王增吉繼妻朱氏增吉子益明妻咸豐十一年粵匪踞城增吉令其妻與婦避山鄉吉父子在家賊驟至同時被害氏聞與婦號泣奔歸將購棺殮其屍倉卒間賊復至遂趨入後園池內姑媳相抱而死

以下節行可據未合旌例者舊志所書今仍而增之

金氏魏村廩生魏之陞妻康熙二十五年夫亾氏年三十一守節三十九年而卒

趙氏魏村魏之都妻康熙三十年夫亾氏年三十一

翁姑俱七十餘二孤幼氏操井臼營旨甘艱劬萬狀始有薄田二畝老屋三楹後漸以裕年九十八而卒孫曾皆爲諸生

劉氏滴水巖陳憲龍妻康熙四十二年夫亾氏年三十四守節四十三年而卒

周氏阮里翁佛忠妻康熙五十二年夫亾氏年三十五守節四十一年而卒

紀氏橫塘何宏妻康熙五十五年夫亾氏年三十五

守節四十二年而卒知縣藍衣經以節孝表其門

周氏蒲塘楊尙增妻雍正十三年夫亾氏年三十二

守節三十九年而卒

吳氏蒲塘王明德妻乾隆三年夫亾氏年三十一守節五十二年而卒

張氏下隩生員徐士鵬妻乾隆十一年夫亾氏年三十四孝養舅姑葬祭盡禮完節以終

葉氏岑溪齊瑞龍妻乾隆十二年夫亾氏年三十一矢志撫孤知縣陳諱以賢節表其門

李氏下隩生員徐三才妻乾隆十二年夫亾氏年三十一矢志守節至九十七而卒

鄒氏下隩生員徐士瑗妻乾隆十七年夫亾氏年三

十五與妯娌張氏常氏共勵冰霜人稱一門三節  
卒年八十三

何氏下隩徐士珏妻乾隆十七年夫亾氏年三十一守節四十八年而卒

朱氏茗河鄭國豐妻乾隆二十三年夫亾氏年三十二守節四十二年而卒

楊氏城內顏德遜妻乾隆二十四年夫亾氏年三十

四翁姑竝歿伯叔皆異居氏撫三子皆成立守節四十八年而卒

毛氏關嶺江元靖妻乾隆二十六年夫亾氏年三十

二無子以姪爲嗣守節四十四年而卒

林氏水閣王錫義妻乾隆三十年夫亾氏年三十一  
守節四十五年而卒

章氏城內蔡上進妻乾隆三十三年夫亾氏年三十  
一守節五十四年而卒

梁氏茗河鄭國賢妻乾隆三十四年夫亾氏年三十  
二守節二十年而卒

趙氏寶定呂鼇妻乾隆三十八年夫亾氏年三十五  
守節四十九年而卒

葉氏白巖梁學渭妻乾隆四十四年夫亾氏年三十

一守節十八年而卒

鄭氏南溪魏祚瑛妻乾隆四十六年夫亾氏年三十  
四守節二十七年而卒

賴氏二十六都艾光隆妻乾隆四十七年夫亾氏年  
三十二守節十六年而卒

吳氏下嶺李毓海妻乾隆四十八年夫亾氏年三十  
三無子二女幼家貧甚苦節以終

魏氏碧湖葉樸齋妻乾隆五十年夫亾氏年三十二  
守節四十九年而卒

鄭氏白巖梁學涵妻乾隆五十一年夫亾氏年三十

一守節二十九年而卒

謝氏下隩徐發壽妻乾隆五十三年夫亾氏年三十  
三守節三十九年而卒

符氏白巖梁學濱妻乾隆五十三年夫亾氏年三十  
四守節三十三年而卒

吳氏魏村魏永靈妻乾隆五十六年夫亾氏年三十  
一守節三十二年而卒

王氏均溪何雲標妻乾隆五十七年夫亾氏年三十  
五守節四十三年而卒

谷氏新謝張仁華妻乾隆五十七年夫亾氏年三十

三守節五十二年而卒

王氏堰頭沈廷琪妻乾隆五十八年夫亾氏年三十  
二無子以姪爲嗣守節三十九年卒

呂氏均溪何仍龍妻乾隆五十九年夫亾氏年三十  
二守節四十三年而卒

張氏九龍紀書妻嘉慶元年夫亾氏年三十四守節  
四十七年而卒

馮氏下隩徐正直妻嘉慶三年夫亾氏年三十五守  
節三十年而卒

陳氏九龍紀廷佐妻嘉慶四年夫亾氏年三十二守

節四十八年而卒

葉氏郎其生員吳朝綱妻嘉慶五年夫亾氏年三十

三守節四十三年而卒

魏氏九龍葉貞醕妻嘉慶七年夫亾氏年三十二年

至七十餘守節數十年

翁氏梅田周志意妻嘉慶八年夫亾氏年三十三守

節十六年而卒

張氏陳寮劉啓順妻嘉慶十年夫亾氏年三十二年

至七十餘守節數十年

魏氏均溪何憶才妻嘉慶十年夫亾氏年三十二年

七十守節三十八年

劉氏魏村魏永滋妻嘉慶十年夫亾氏年三十四歲

守節數十年卒

王氏魏村生員魏永孚妻嘉慶十一年夫亾氏年三

十五道光十五年卒年六十四守節三十年

楊氏梅田周維仁妻嘉慶十二年夫亾氏年三十一

守節三十年而卒

常氏二十六都艾安仁妻嘉慶十四年夫亾氏年三

十二守節三十七年而卒

褚氏梅溪馮惟忠妻嘉慶十年夫亾氏年三十一歲

守節數十年而卒

吳氏城內姚因裁妻嘉慶十二年夫亾氏年三十五  
守節四十三年而卒

趙氏橋亭王繼光妻嘉慶十三年夫亾氏年三十四  
守節數十年卒

葉氏南山生員林斐經妻嘉慶十四年夫亾氏年三  
十五年七十餘守節數十年

葉氏碧湖徐宏泰妻嘉慶十四年夫亾氏年三十二  
守節三十七年而卒

熊氏太平吳必進妻嘉慶十六年夫亾氏年三十二

守節六十九年而卒

葉氏張村戴君彩妻嘉慶十七年夫亾氏年三十一  
年六十餘守節數十年

潘氏城內顏玉成妻嘉慶十七年夫亾氏年三十二  
無子守節十四年而卒

李氏西溪朱智玲妻嘉慶十七年夫亾氏年三十二  
守節三十三年而卒

蔣氏在城黃裳妻嘉慶十九年夫亾氏年三十一  
六十餘守節數十年

鄭氏南溪魏永斌妻嘉慶十九年夫亾氏年三十三

年六十餘守節數十年

楊氏前山陳廷旺妻嘉慶二十年夫亾氏年三十一年六十餘守節數十年

彭氏靠坑金葉瑞妻嘉慶二十一年夫亾氏年三十四守節數十年而卒

葉氏上黃生員王兆熊妻嘉慶二十一年夫亾氏年三十三撫二子有成守節數十年以壽終

葉氏均溪何仍達妻嘉慶二十二年夫亾氏年三十二守節數十年

徐氏小溪謝禮開妻嘉慶二十三年夫亾氏年三十

一守節數十年

楊氏沙溪廩生葉文華妻嘉慶二十三年夫亾氏年三十三守節數十年

劉氏水東周必全妻嘉慶二十三年夫亾氏年三十二守節數十年

劉氏南溪生員魏士鼇妻嘉慶二十五年夫亾氏年三十四守節數十年

李氏盧村朱瑞榮妻嘉慶二十五年夫亾氏年三十二守節數十年

龔氏巖崆吳發恒妻道光元年夫亾氏年三十二守



節數十年

張氏武村武紹周妻道光三年夫亾氏年三十一守節數十年

劉氏嶺根周鈞鈴妻道光三年夫亾氏年三十四守節數十年

樊氏曳山林開印妻道光三年夫亾氏年三十二守節數十年

梁氏梅田周廷文妻道光七年夫亾氏年三十四撫遺腹子有成守節始終不渝

楊氏缸窰副貢董作模妻道光九年夫亾氏年三十

三矢志守節足不踰柵

王氏趙村何煥雲妻道光十三年夫亾氏年三十四守節十一年而卒

劉氏金鳥蔡光杰妻道光十一年夫亾氏年三十三現年七十六守節四十四年

吳氏金鳥蔡文清妻道光十七年夫亾氏年三十五現年七十三守節三十八年

陳氏葉國鈞妻夫亾氏年二十四飲冰茹蘗孝事舅姑現年四十八守節二十四年

張氏郎奇生員吳銘新妻夫亾氏年二十四有勸其

再醮者氏厲聲呵之嗣遭兵燹家無餘產氏長齋奉佛以紡織度活現年四十四守節二十年

徐氏下塢周水林妻夫亾氏年三十二現年五十六守節二十四年

楊氏松溪胡鎮妻咸豐四年夫亾氏年二十三現年四十四守節二十一年

江氏河村徐壬辰妻道光十八年夫亾氏年三十四現年六十九守節三十五年

葉氏水閣廩生王國楠妻夫亾氏年三十五現年六十三守節二十五年

王氏小山葉芝康妻咸豐七年夫亾氏年三十五現年五十二守節十七年

章氏下園葉朝琛妻夫亾氏年三十五現年七十五守節四十年

王氏下園葉福才妻夫亾氏年二十二無子以姪爲嗣現年四十六守節二十四年

葉氏碧湖林錦新妻夫亾氏年三十三撫孤守志子萃賢萃良均爲諸生現年六十七守節三十四年

徐氏武舉何煥卿妻夫亾氏年三十一現年五十八守節二十七年

紀氏碧湖林桂秀妻道光十九年夫亾氏年三十四卒年六十一守節二十七年

葉氏灣竹廩生李宗臯妻夫亾氏年三十二以姪廷莪嗣孫之琳之瑜均諸生之琳有隼才攻苦力學以暴疾亾時論惜之氏卒年六十八守節三十四年

李氏灣竹葉聖恩妻夫亾氏年三十四卒年六十二守節二十八年

朱氏雅嶺武生李國斌妻道光十四年夫亾氏年三十五同治元年卒年六十三守節二十八年

葉氏魏村生員魏修廣妻夫亾氏年三十五家貧以紡績課兒讀卒年五十守節十五年子名人琦諸生

李氏葛渡周蘇和妻咸豐六年夫亾氏年三十二年五十守節十八年

徐氏葛渡周三和妻咸豐四年夫亾氏年三十五現年五十五守節二十年

應氏蓮房周水相妻道光二十一年夫亾氏年三十四現年六十八守節三十四年

翁氏黃村周彰培妻咸豐二年夫亾氏年三十四現

年五十七守節二十四年

季氏城內儒童金汝濟妻夫亾氏年二十三一子僅六齡旋得目疾天以姪嗣茹蘖飲荼勤十指佐日用需兵燹後母移與同居母年八十餘氏事之以孝稱現年四十一守節十八年

王氏城內周琨琦妻夫亾氏年三十一現年六十三守節三十二年

葉氏城內莊文榜妻夫亾氏年二十六現年四十五守節十九年

顧氏余莊賴晚媾俗字無考妻道光二十七年夫亾氏年

三十三現年六十一守節二十八年

鄒氏城內廩生楊錦妻夫亾氏年三十五現年六十一守節二十六年子守謙邑廩生知名於時

周氏鳳山前張芳森妻咸豐八年夫被粵匪害氏年二十八子女各一子甫五齡忽以疾天益悲悼父再三慰諭強解顏妯娌有勸其再醮者則反顏矢不他適現年四十四守節十六年

余氏城內王伯恬妻家貧恬不能具薪米遂自亾也氏年三十四勤紡績針黹以度活奉姑撫子女備歷艱辛姑歿喪盡禮子女均已婚嫁現年七十

一二守節二十八年

張氏魏村職員魏庭曦妻夫亾氏年三十四守志撫孤現年六十五子泰邑廩生長子職員際嶠病亾妻葉氏年二十二守節至三十四歲卒

張氏厦河僧生王世馨妻夫亾氏年三十五現年五十六守節二十一年

胡氏楊炳瑞妻夫亾氏年三十五翁姑均年老家貧甚子又幼人有以再醮勸者峻拒之饗飧不給日事縫紉汲水拾薪備嘗辛苦現年六十守節二十五年

湯氏蓮河陳崇信妻夫亾氏年三十五現年六十五守節三十年

余氏城內潘金印妻夫亾氏年三十三事姑教子終始不渝現年七十守節三十七年

季氏城內監生潘紹基妻夫亾氏年三十四守節二十二年卒子監生達材妻葉氏夫亾氏年二十九現年四十三守節十四年